


**1.2.7. Առևտուր և այլ ծառայություններ  
(սպառողական շուկա)**

ՀՀ սպառողական շուկա ( առևտրի շրջանառության և ծառայությունների ծավալը)

	2005թ. հունվար-օգոստոս		Ընդհանուրի նկատմամբ, %	
	Ծավալը, մլն. դրամ	2004թ. հունվար-օգոստոսի նկատմամբ, %	2004թ.	2005թ.
<b>Առևտրի շրջանառության և ծառայությունների ծավալը, ընդամենը</b>	<b>809940.8</b>	<b>109.6</b>	<b>100.0</b>	<b>100.0</b>
<i>այդ թվում՝</i>				
Առևտրի շրջանառություն <sup>1</sup> , ընդամենը	617638.4	107.4	77.7	76.3
<i>դրանից՝</i>				
մանրածախ առևտրի շրջանառություն	502850.7	106.8	63.6	62.1
Ծառայություններ <sup>1</sup>	192302.4	117.8	22.3	23.7

**Սպառողական շուկայում առևտրի շրջանառության և ծառայությունների ծավալի տեսակարար կշիռները**  
( ընդհանուրի նկատմամբ, %)



2005թ. հունվար-օգոստոսին գրանցվել է սպառողական շուկայի ծավալի 9.6 % աճ՝ 2004թ. հունվար-օգոստոսի համապատասխան ցուցանիշի նկատմամբ, համադրելի գներով: Ընդ որում, դրանում 1.4 տոկոսային կետով աճել է ծառայությունների ծավալի տեսակարար կշիռն ու համամասնորեն նվազել առևտրի շրջանառության տեսակարար կշիռը:

<sup>1</sup> Սկսած 2005թ-ից ցուցանիշները ներկայացված են ըստ «Տնտեսական գործունեության տեսակների դասակարգչի» :

**Մանրածախ առևտուր**


2005թ. հունվար-օգոստոսին մանրածախ առևտրի շրջանառության ընդհանուր ծավալը, ընթացիկ գներով, կազմել է 502850.7 մլն. դրամ, որը 2004թ. նույն ժամանակաշրջանի համապատասխան ցուցանիշի նկատմամբ, համադրելի գներով, աճել է 6.8%-ով: 2005թ. օգոստոսին հուլիսի համեմատությամբ մանրածախ առևտրի շրջանառության ծավալը, համադրելի գներով, կազմել է 107.5%:

**ՀՀ մանրածախ առևտրի շրջանառության ծավալը 2005թ. հունվար-օգոստոսին**

	Ծավալը, մլն. դրամ	Ընդհանուրի նկատմամբ,%
<b>Մանրածախ առևտրի շրջանառություն, ընդամենը</b>	<b>502850.7</b>	<b>100.0</b>
<i>այդ թվում</i>		
խանութների	253409.4	50.4
սպառողական ապրանքների շուկաների	151276.5	30.1
գյուղատնտեսական արտադրանքի շուկաների	15231.5	3.0
կրպակների	37161.4	7.4
առևտրի այլ օբյեկտների	45771.9	9.1

**Մանրածախ առևտրի շրջանառության կառուցվածքն ըստ ձևավորման աղբյուրների, 2005թ. հունվար-օգոստոսին**

(ընդհանուրի նկատմամբ, %)



2005թ. հունվար-օգոստոսին ՀՀ մանրածախ առևտրի շրջանառության ընդհանուր ծավալում մեծ տեսակարար կշիռ է ունեցել խանութներում և սպառողական ապրանքների շուկաներում իրականացվող առևտուրը՝ 80.5 % (404685.9 մլն. դրամ):

ՀՀ մանրածախ առևտրի շրջանառության ընդհանուր ծավալում առանձնակի տեղ ունեն սպառողական ապրանքների շուկաները, որոնցից ստացված հաշվետվությունների տվյալներով և փորձագիտական լրահաշվարկի հիման վրա, 2005թ. հունվար-օգոստոսին առևտրի շրջանառության ծավալը, ընթացիկ գներով, կազմել է 151276.5 մլն. դրամ:


**ՀՀ սպառողական ապրանքների շուկաների առևտրի շրջանառության  
ծավալն ըստ ՀՀ մարզերի, 2005թ. հունվար-օգոստոսին**

	Ծավալը, մլն. դրամ	այդ թվում՝ ընդհանուրի նկատմամբ, %	
		պարենային ապրանքներ	ոչ պարենային ապրանքներ
ք. Երևան	138415.1	13.3	86.7
Արագածոտն	200.4	-	100.0
Արարատ	972.4	-	100.0
Արմավիր	2479.1	25.6	74.4
Գեղարքունիք	1166.3	21.6	78.4
Լոռի	3166.2	52.0	48.0
Կոտայք	1576.9	17.0	83.0
Շիրակ	1047.7	7.6	92.4
Սյունիք	524.1	-	100.0
Վայոց ձոր	164.9	32.5	67.5
Տավուշ	1563.4	25.7	74.3
<b>Ընդամենը</b>	<b>151276.5</b>	<b>14.4</b>	<b>85.6</b>

Հարկ է նշել, որ հանրապետության սպառողական ապրանքների շուկաները հիմնականում մասնագիտացված են ոչ պարենային ապրանքների վաճառքով, որի տեսակարար կշիռը սպառողական ապրանքների շուկաների առևտրի շրջանառության ընդհանուր ծավալում, 2005թ. հունվար-օգոստոսին, կազմել է 85.6%:

**Սպառողական ապրանքների շուկաների առևտրի շրջանառության  
կառուցվածքն ըստ Երևան քաղաքի և ՀՀ մյուս մարզերի**

( ընդհանուրի նկատմամբ, %)



2005թ. հունվար-օգոստոսին 2004թ. հունվար-օգոստոսի նկատմամբ հանրապետության սպառողական ապրանքների շուկաների առևտրի շրջանառության ամբողջ ծավալում գրանցվել է Երևան քաղաքի շուկաների առևտրի շրջանառության ծավալի տեսակարար կշռի նվազում 1.2 տոկոսային կետով:

2005թ. սեպտեմբերի 1-ի դրությամբ ապրանքային պաշարները մանրածախ առևտրի օբյեկտներում կազմել են 53794.8 մլն. դրամ, իսկ ապահովվածությունը՝ 62 օր:

ՀՀ սպառողական շուկայում իրենց ուրույն տեղն ունեն գյուղատնտեսական արտադրանքի շուկաները: Հունվար-օգոստոսին այդ շուկաներում իրականացվող առևտրին բաժին է ընկել առևտրի շրջանառության ընդհանուր ծավալի 3.0% կամ 15231.5<sup>1</sup> մլն. դրամը:

<sup>1</sup> Հանրապետությունում գործող գյուղատնտեսական արտադրանքի չկազմակերպված շուկաների առևտրի շրջանառության ծավալները հաշվառված չեն:


**Ծառայություններ**

2005թ. հունվար-օգոստոսին մատուցված ծառայությունների ծավալը ընթացիկ գներով կազմել է 192302.4 մլն.դրամ, որը 2004թ. նույն ցուցանիշի նկատմամբ, համադրելի գներով, աճել է 17.8 %-ով:

2005թ. հունվար-օգոստոսին 2004թ. հունվար-օգոստոսի նկատմամբ ծառայությունների ոլորտում արձանագրվել է տրանսպորտի (3.5%), կապի (3.4%), առողջապահության (0.6%) սակագների նվազում: Միաժամանակ աճել են՝ սոցիալական, հյուրանոցների և ռեստորանների, կոմունալ, կրթության ծառայությունների սակագները, համապատասխանաբար՝ 15.2, 5.1, 3.2 և 0.3%-ով:

**Ծառայությունների կառուցվածքը 2005թ. հունվար-օգոստոսին**

*(ընդհանուրի նկատմամբ, %)*



2005թ. հունվար-օգոստոսին ծառայությունների կառուցվածքում մեծ տեսակարար կշիռ են կազմել տրանսպորտի (60863.6մլն.դրամ) և կապի (48671.5մլն.դրամ) ծառայությունները, համապատասխանաբար՝ 31.6 և 25.3%:

Ծառայությունների կառուցվածքում համեմատաբար բարձր տեսակարար կշիռ ունեն ֆինանսական (16617.4մլն.դրամ), կրթության (11489.9մլն.դրամ), առողջապահության (13082.5մլն.դրամ), հյուրանոցների և ռեստորանների (10836.7մլն.դրամ) ծառայությունները, համապատասխանաբար՝ 8.6, 6.0, 6.8 և 5.6%: